



**MEMORIA DE XESTIÓN
ANPA VALLE INCLÁN
2º TRIMESTRE
CURSO 2024 - 2025**

ÍNDICE

- 1. ESTRUCTURA E ORGANIZACIÓN DA ANPA**
- 2. ASEMBLEAS DE FAMILIAS SOCIAS**
- 3. SERVIZO DE MAÑANCEIROS**
- 4. SERVIZO DE COMEDOR ESCOLAR**
- 5. SERVIZO DE CAMBIADORES**
- 6. ACTIVIDADES EXTRAESCOLARES**
- 7. FESTAS**
- 8. OBRADOIROS E FORMACIÓNS PARA O ALUMNADO**
- 9. OBRADOIROS E FORMACIÓNS PARA O PROFESORADO**
- 10. OBRADOIROS E FORMACIÓNS PARA FAMILIAS**
- 11. CURSO DE FORMACIÓN PARA DIRECTIVAS DAS ANPAs**
- 12. SUBVENCÍONS**
- 13. MELLORAS NO CENTRO ESCOLAR**



1. ESTRUCTURA E ORGANIZACIÓN DA ANPA

A Asociación de Nais e Pais Valle Inclán está formada por tódalas familias de alumnado escolarizado no CEIP Ramón María del Valle Inclán que desexan asociarse.

As inscricións no presente curso 2024-2025 son as seguintes:

- Familias socias: 198
- Alumnado: 258 crianzas, 55.5 % do alumnado total do centro (467)

O prezo da cota para asociarse á ANPA é de 35 €/curso por familia, independentemente do número de fillos e/ou fillas matriculadas no centro. Esta cota de familia socia exime do pago da cota de xestión de 50 € para facer uso do servizo de comedor.

O 27 de marzo de 2025 tivo lugar unha asemblea ordinaria na que varios membros da xunta directiva da ANPA presentaron as súas renuncias, deixando os cargos de presidencia, vicepresidencia, tesourería, secretaría e unha vogalía a disposición da asemblea de familias socias para a formación dun novo equipo. Coa convocatoria desa asemblea abriuse un proceso de presentación de candidatos e varias persoas se presentaron voluntarias para formar parte da xunta directiva da ANPA. Na reunión da xunta directiva do día 4/4/2025 distribuíronse os cargos da nova xunta directiva que quedou conformada da seguinte forma:

Presidencia: Raquel Saavedra Cabo
Vicepresidencia: Tatiana Luaces Maciñeira
Secretaría: Marcos Riestra Vega
Tesourería: Laura Paola Vizcaíno Suárez
Vogalías: Elcira Adays Hernández Turizo
Adriana Mariño Uribe
Miren Aránzazu Fernández Carro
Yolanda Díaz Goas con
Paula Aguete Rodríguez

2. ASEMBLEAS DE SOCIOS DA ANPA

Durante o 2º trimestre realizouse unha asemblea ordinaria de familias socias o día 27/3/2025, como se acaba de detallar no apartado anterior, para a conformación da nova Xunta Directiva da ANPA Valle Inclán.

3. SERVIZO DE MAÑANCEIROS

A empresa contratada pola ANPA para encargarse de levar a cabo o servizo de Mañanceiros é a empresa especializada Jardanay, que proporciona a coordinación e o monitorado. Ofrecense dúas modalidades no servizo: con almorzo e sen almorzo, para facilitar a conciliación ás familias.

HORARIO	07:30 a 09:00 h.
ALUMNADO INSCRITO	69 crianzas (15% alumnado do CEIP e 27% dos socios da ANPA) Infantil: 22 crianzas, 13 modalidade con almorzo Primaria: 47 crianzas, 8 modalidade con almorzo
MONITORADO	1 coordinadora e 2 monitoras

O custo para as familias en función da modalidade escollida é o seguinte:

SERVIZO MAÑANCEIROS	PREZO SEN ALMORZO	PREZO CON ALMORZO
5 DÍAS/SEMANA	21,73 €/MES	38,02 €/MES
4 DÍAS/SEMANA	17,38 €/MES	31,50 €/MES
3 DÍAS/SEMANA	13,04 €/MES	23,90 €/MES
2 DÍAS/SEMANA	8,69 €/MES	15,21 €/MES
1 DÍA/SEMANA	4,35 €/MES	8,15 €/MES
ESPORÁDICO	2,72 €/MES	3,25 €/MES
10% desconto no segundo irmán/irmá 12% desconto tres ou máis irmáns/irmá Esporádico non conta con desconto		

- Calendario: dende o primeiro día lectivo ate o último, ambos os dous incluídos.
- Inscripción: cubrindo o formulario destinado a dito servizo que está colgado na páxina web de Jardanay:

https://jardanaycomedores.es/valle-inclan/wp-login.php?redirect_to=https%3A%2F%2Fjardanaycomedores.es%2Fvalle-inclan%2F

As instrucións para facela inscrición están colgadas no apartado “Servizos” da web da ANPA Valle Inclán: <https://anpa-valle-inclan.mozello.com/servizos/mananceirs/>

Para facer uso do servizo de Mañanceiros é obrigatorio ser familia socia da ANPA.

4. SERVIZO DE COMEDOR ESCOLAR

A ANPA xestiona o comedor escolar a través dunha entidade contratada para ese fin, Jardanay, unha empresa especializada que presta un servizo de comida transportada e proporciona o equipo de monitorado.

O servizo de Comedor Escolar realízase nunha única quenda e todo o alumnado come á mesma hora. O horario do servizo de comedor é entre as 14:00 e as 16:00 h. O alumnado é recollido polo monitorado nas aulas ás 14:00 h. onde se pasa lista dos usuarios e usuarias. A saída do alumnado realízase entre as 15:15 e as 16:00 h.

HORARIO	14:00 a 16:00 horas
ALUMNADO INSCRITO	219 crianzas (47% alumnado do CEIP e 85% dos socios da ANPA) Educación Infantil: 70 crianzas Educación Primaria: 149 crianzas
TRABALLADORES	1 coordinadora, 14 monitores e 2 auxiliares de cociña

O custo para as familias en función dos días solicitados de servizo é o seguinte:

SERVIZO DE COMEDOR	PREZO
5 DÍAS / SEMANA	92,14 € / MES
4 DÍAS / SEMANA	77,12 € / MES
3 DÍAS / SEMANA	65,70 € / MES
2 DÍAS / SEMANA	43,80 € / MES
1 DÍA / SEMANA	21,90 € / MES
ESPORÁDICO	7,22 € / DÍA
10% desconto no segundo irmán 12% desconto tres ou máis irmáns Esporádico non conta con desconto	

- Calendario: dende o primeiro día lectivo ate o último, ambos os dous incluídos.
- Inscripción: cubrindo o formulario que está colgado na páxina web de Jardanay:
https://jardanaycomedores.es/valle-inclan/wp-login.php?redirect_to=https%3A%2F%2Fjardanaycomedores.es%2Fvalle-inclan%2F

Para facer uso do servizo de Comedor escolar as familias deben aboar á ANPA unha cota de xestión de 50 €. As familias socias da ANPA están exentas desta cota.

· Cota de xestión de comedor

No segundo trimestre, con data 27/02/2025 a Xunta Directiva da ANPA presentou unha queixa ante a Valedora do Pobo ó respecto deste asunto. A resposta da Valedora, con data 18/3/2025 foi que “calquera información ou circunstancia relativa ao funcionamento do servizo, como o pago de cotas polas familias non asociadas, debe ser atendida ou resolta coa consellería”. Sen embargo, os servizos xurídicos da consellería seguen sen dar resposta á nosa solicitude para poder tomar as medidas necesarias e evitar esta desigualdade entre as familias.

5. SERVIZO DE CAMBIADORES

Coma o curso pasado, ofrécese este servizo ás familias con crianzas matriculadas en educación infantil. A familia que desexa contratar o servizo ten a súa disposición a persoal de Jardanay que se despraza ó centro escolar para cambiar á crianza se fose preciso. O horario de atención inclúe o horario lectivo, o de madrugadores e o de comedor. O prezo mensual é de 16,50 € e por cada intervención 2 €.

HORARIO	07:30 a 16:00 h.
ALUMNADO INSCRITO	8 crianzas

· Calendario: dende o primeiro día lectivo ate o último, ambos os dous incluídos.

· Inscripción: cubrindo o formulario que está colgado na páxina web de Jardanay:

https://jardanaycomedores.es/valle-inclan/wp-login.php?redirect_to=https%3A%2F%2Fjardanaycomedores.es%2Fvalle-inclan%2F

Para facer uso do servizo de Cambiadores é obrigatorio ser familia socia da ANPA.

6. ACTIVIDADES EXTRAESCOLARES

O número total de alumnado inscrito no segundo trimestre foi de 168 (36% do alumnado do CEIP e 65% dos socios da ANPA).

CALENDARIO, HORARIO E INSCRICIÓNS NAS ACTIVIDADES EXTRAESCOLARES

· Calendario: dende o primeiro día lectivo ate o último, ambos os dous incluídos.

· Inscripción: cubrindo os formularios correspondentes de cada entidade, que están colgados na aplicación web Miampa da ANPA Valle Inclán no apartado “Actividades extraescolares”:

<https://anpavalleinclan.miampa.com/extracurricular>

7. FESTAS

• FESTA DE ENTROIDO

Como cada ano, a ANPA encargouse de solicitar os permisos e autorizacións precisos no Consello Escolar para a organización da Festa de Entroido.

Este ano a festa contou con desfile de disfraces, obradoiros, animación e xogos para todo o alumnado do centro, ademais das Merendiñas de 6º EP.



8. OBRADOIROS E FORMACIÓNS PARA O ALUMNADO

Ó igual que se fixo no curso pasado, a Xunta Directiva está aberta a organizar, sempre en colaboración co profesorado do CEIP Valle Inclán, obradoiros que sexan de interese para todo o alumnado. Das varias propostas presentadas este curso pola ANPA ante o CEIP, no 2º trimestre realizáronse as seguintes actividades:

• CHARLAS SOBRE NUTRICIÓN

A dietista e nutricionista Laura Regueira, de Arela Saúde, impartiu unhas interesantes charlas para os tres grupos dos cursos de 5º e 6º de educación primaria.

Nos obradoiros trataron temas como os perigos do azucre e a importancia dunha alimentación saudable.



9. OBRADOIROS E FORMACIÓNS PARA O PROFESORADO

·ACOMPAÑAMIENTO EMOCIONAL PARA LAS BUENAS VIDAS.

A ANPA promoveu a celebración da formación para docentes “Acompañamiento emocional para las buenas vidas” a cargo de Sara Vierna, educadora social experta en igualdade e educación emocional cunha ampla traxectoria.

Dirixida a todo o profesorado, a actividade foi un achegamento á potenciación da conciencia emocional e á comunicación non violenta a través dunha formación práctica e vivencial, que busca un impacto transformador nos asistentes e que pode repercutir directamente no alumnado.

Coñecedora de que este tipo de formacións precisan de continuidade no tempo para manter a súa efectividade, á Xunta Directiva da ANPA gustaríalle seguir promovendo este tipo de actividades en cursos sucesivos contando co compromiso do claustro de mestres.



10. OBRADOIROS E FORMACIÓNS PARA AS FAMILIAS

• ESCOLA DE FAMILIAS

A Escola de Familias organizada pola ANPA no noso colexio deu comezo no 2º trimestre e continuará ó longo do 3º. A actividade está dirixida a toda a comunidade educativa (pais, nais e docentes) e será facilitada por Clara Rodríguez, orientadora educativa con moita experiencia en educación formal e formación de futuros docentes.

Tivo lugar a primeira charla, **“A crianza consciente como aliada dun acompañamento escolar saudable”**. Nela explorouse os diferentes estilos de crianza desde unha perspectiva libre de xuízos, permitindo que cada familia poida identificar o seu propio modelo e o seu impacto no desenvolvemento escolar e emocional da cativada. Aprendinos ferramentas e prácticas concretas para aqueles que desexan aplicar unha crianza consciente, promovendo un ambiente de aprendizaxe seguro e motivador.

Están programados catro obradoiros máis:

- Xoves 24/4/2025: “Neuroeducación para pais e nais” (dirixido a Ed. Primaria)
- Xoves 8/5/2025: “Fomentando a autonomía nas tarefas escolares” (dirixido a Ed. Primaria)
- Xoves 15/5/2025: “Xestión do tempo en educación primaria” (dirixido a Ed. Primaria)
- Xoves 22/5/2025: “Acompañamento emocional na primeira infancia” (dirixido a Ed. Infantil)



11. CURSO DE FORMACIÓN PARA DIRECTIVAS DAS ANPAS

Na sede da Federación Provincial de ANPAs da Coruña, FEDAPAS, tivo lugar a Formación Administrativa para Xuntas Directivas das ANPAs sobre Obrigas Contables e Fiscais.

Unha representación de tres persoas da nova Xunta Directiva da ANPA Valle Inclán asistiu ó curso, de gran interese.

Unha vez máis a Federación nos brindou esta oportunidade para seguir mellorando no noso traballo na asociación, algo que redunda en melloras para a nosa cativada.



12. CONSELLO ESCOLAR

• PROPOSTA DE MURAL PARTICIPATIVO (DOCUMENTO ANEXO I)

A ANPA ten o obxectivo fundamental de que o ensino público sexa de calidade. A asociación aporta iniciativas que poden enriquecer a etapa escolar da nosa cativada e das súas familias, redundando en beneficios para toda a colectividade.

Con esta vontade a ANPA Valle Inclán propón este curso a realización do mural participativo no noso colexio. Son varios os propósitos que persegue esta actividade: hai un interese educativo, ó incluír á cativada na mellora e coidado da súa propia contorna, compartindo a experiencia creativa, ademais de prestar un servizo ó conxunto da veciñanza ó rexenerar os espazos de convivencia e facendo que a arte sexa útil, accesible e construtiva.

Para levar adiante esta e outras propostas no colexio solicitouse unha reunión co Alcalde do Concello de Oleiros, o Concelleiro de Obras Públicas e a Concelleira de Ensino e Cultura e o s concelleiros de Ensino e Obras Públicas.

· TERREO ANEXO (DOCUMENTO ANEXO II)

En cursos anteriores, dende o CEIP Valle Inclán, contando co traballo de docentes e alumnado, fíxose unha petición ó Concello de Oleiros para contar coa parcela anexa que limita cos terreos do centro, o pavillón municipal e a Rúa Anduriñas.

Durante este 2º trimestre e contando co respaldo das docentes impulsoras desta iniciativa, a ANPA solicitou novamente ante o Consello Escolar e o Concello de Oleiros que se retome esta interesante iniciativa.

· APLICACIÓN DA LEI DE ESPAZO LIBRE DE TABACO

Segundo a Lei 28/2005, está prohibido fumar e consumir cigarros electrónicos nos lugares de traballo públicos e privados, incluíndo centros educativos e de formación, incluídos os espazos abertos e as proximidades inmediatas dos centros.

Este curso solicitouse ante o Consello Escolar que se conciencie tanto ó alumnado, ás familias coma ó persoal do centro educativo de que a escola debe ser un espazo libre de fumo, facendo fincapé tanto na importancia para a saúde como para o medio ambiente.

Suxerimos levar a cabo accións coma sinalizar de forma creativa, coa participación das familias e do alumnado, os espazos circundantes ó colexio, sen esquecer de que se trata dunha prohibición legal.

Sería axeitado buscar y propoñer un espazo axeitado para que o persoal fumador do centro educativo saia a fumar respectando sempre o cumprimento da normativa e evitando a exposición da cativada a hábitos relacionados co tabaquismo.

· INCIDENCIAS DETECTADAS E SOLICITUDE DE MELLORAS

A ANPA revisa periodicamente as instalacións do noso colexio para asegurarse que están en óptimas condicións e solicitar as melloras e arranxos precisos. Este trimestre solicitamos a solución das seguintes incidencias:

EDIFICIOS

- Fachada e entrada principal:

- Limpeza dos paramentos da fachada do edificio principal, que presenta verdín.
- Cambio das bandeiras institucionais, dado que están totalmente rotas.

- Comedor escolar:

- Pintado das paredes
- Arranxo da rampla da saída de emerxencia para evitar as inundacións no interior da instalación, dado que ten unha inclinación que fai que cando chove entre auga por debaixo das portas.
- Reparación da porta acristalada de emerxencias (xa reparada).
- Portas interiores do comedor: arranxo da subxección da porta que da ó corredor e dos protectores de plástico para garantir a seguridade das crianzas (xa reparadas).
- Procura de solucións para suprimir os ecos, absorber o ruído e reducir a resonancia do espazo co fin de mellorar o benestar das crianzas e do persoal que traballa nel.

- Arranxo do cristal roto no teito do patio cuberto do edificio de primaria.**RECINTO ESCOLAR****- Peche perimetral do colexio:**

- Substitución das vigas de cemento no peche da rúa Anduriñas, que expón os listóns metálicos enferruxados e provoca a caída de cascotes.
- Limpeza dos muros en todo o perímetro do colexio para retirar musgos e verdín.
- Arranxo do enreixado en mal estado.

- Pistas exteriores:

- Limpeza das superficies onde están os xogos, cheas de verdín

- Solución á ausencia de medidas de seguridade na beirarrúa en obras no interior do recinto escolar. Remate da obra.**CONTORNA DO COLEXIO****- Melloras en seguridade viaria:**

- Pintado de paso de peóns á altura da embocadura sen saída da rúa Anduriñas, fronte a entrada ó pavillón municipal para garantir a seguridade do

alumnado e as familias nas entradas e saídas escolares. Esta rúa conta cun único paso de peóns que está na esquina oposta da avenida Valle Inclán.

- **Busca de medidas para evitar situacións de risco debido ós badéns da avenida.**
- **Instalación de sinais visibles de “zona escolar” na contorna do colexio, incluíndo todo o tramo ata o Parque do Carballido.**
- **Melloras na recollida do lixo:**
 - Colocación dun punto de recollida do lixo pechado, co fin de mellorar a salubridade na zona de entrada principal das crianzas.
 - Recollida diaria dos residuos.

Xunta Directiva ANPA Valle Inclán

En Perillo a 11 de abril de 2025

**ANEXO I****Asunto: realización de mural participativo co alumnado do CEIP Valle Inclán****EXPOSICIÓN DE MOTIVOS:**

Este curso 2024 2025 a ANPA Valle Inclán solicitou orzamento a un artista especializado en murais de gran formato, Erb Mon, para realizar un proxecto de mural participativo no que colabore todo o alumnado do centro baixo a súa dirección.

A zona escollida para levar a cabo a pintura é o muro exterior do peche perimetral do CEIP Valle Inclán (na avenida Valle Inclán e a Rúa Anduriñas ata o edificio anexo do pavillón).

Dado que o muro é moi apaisado, o artista propón un deseño horizontal, coma unha paisaxe vista dende o horizonte (achegamos un cartafol do artista cunha mostra dos seus traballos).

Tal e como explica o artista, neste tipo de iniciativas mestúranse tres procesos: desenrólase unha actividade social e educativa, rexenéranse espazos e dótase ás cidades de arte. É unha forma de conseguir que “a arte sexa útil, accesible e construtiva” e por iso cree na “importancia de compartir a experiencia creativa, transformando un espazo e involucrando á mocidade na mellora da súa propia contorna”.

Para poder comezar a traballar neste proxecto o primeiro que se precisa, ademais da autorización, é que o muro estea arranxado e convenientemente limpo.

Na zona da Rúa Anduriñas actualmente o muro presenta mal estado nas vigas de cemento e ferro á vista, o que ademais provoca a caída de cascotes. Ademais todo o perímetro do muro ten musgos e liques adheridos.

POR TODO O EXPOSTO, SOLICITAMOS:

- 1.- **Autorización** do Concello e do CEIP para poder levar a cabo a actividade no muro exterior, dende a Avenida Valle Inclán ata o final do anexo do pavillón.
- 2.- **Arranxo das vigas de cemento do peche perimetral** na zona lateral da Rúa das Anduriñas
- 3- **Limpeza dos paramentos e celosías** cunha hidrolimpiadora para a correcta adherencia da pintura.

Achegamos anexo fotográfico.

En Perillo a 7 de marzo de 2025

Xunta Directiva ANPA Valle Inclán

ANEXO FOTOGRÁFICO



Imaxe 1.
Muro na Avenida Valle Inclán



Imaxe 2.
Muro na Rúa Anduriñas



Imaxes 3 e 4.

Muro da construción anexa ó pavillón (o mural chegaría ata a esquina)



Imaxes 5 e 6.

Danos nas vigas do peche perimetral do colexio na Rúa Anduriñas



Imaxes 7, 8, 9 e 10.
Exemplos de murais
participativos, proxectos
desenrolados por Erb Mon.



Imaxes 11, 12, 13 e 14.
Exemplos de pinturas de Erb Mon, similares á proposta para o noso colexio.



ANEXO II

Asunto: uso do terreo anexo ó CEIP Valle Inclán na rúa Anduriñas

EXPOSICIÓN DE MOTIVOS:

En cursos anteriores, dende o CEIP Valle Inclán, fíxose unha petición ó Concello de Oleiros para contar coa parcela anexa que limita cos terreos do centro, o pavillón municipal e a Rúa Anduriñas (con referencia catastral 1684611NH5918S0001JG con 1.145 m² de superficie) para uso do colexio.

Presentáronse no Consello Escolar varias propostas feitas polo profesorado e o alumnado con varias ideas de aproveitamento do terreo (ver anexo gráfico), como:

- aula exterior: construción dun cenador acristalado con grandes fiestras
- invernadoiro que complemente ó existente para ser utilizado por todo o alumnado do centro
- creación dunha horta para produtos de tempada
- colocación de mesas e bancadas ó aire libre
- plantación de árbores de especies autóctonas e froiteiras

POR TODO O EXPOSTO, SOLICITAMOS:

- 1.- A **unión do terreo anexo cambiando o peche perimetral** para que se poida acceder con seguridade dende o centro escolar.
- 2.- Iniciar os **traballos precisos para contar co equipamento arriba descrito**: aula exterior, invernadoiro, horta de tempada, mesas e bancadas.
- 3.- **Plantación de árbores.**

En Perillo a 7 de marzo de 2025

Xunta Directiva ANPA Valle Inclán

ANEXO GRÁFICO



Presentación

Somos un grupo de 6º B do colexio Valle Inclán. Gustaríanos ter a parcela anexa ao noso colexio. Por iso, presentamos esta idea.

PLANO FINCA



Escala 1: 400

Ideas:

- Zona de merenda
- Invernadoiro

Zona merenda:

Unha zona con mesas para merendar e un ambiente natural con árbores e diferentes tipos de plantas. As mesas medirán aproximadamente 2 m de longo e 1 m de ancho. Tamén estaría ben facer actividades para que os nenos e nenas planten as árbores e plantas. Esta zona se podería usar para facer clases no exterior.



Invernadoiro:

Este invernadoiro é para o segundo e terceiro ciclo xa que o outro invernadoiro é para infantil e primeiro ciclo. Terá dúas partes: exterior e interior.

Presuposto para o invernadoiro 2200 euros aprox.



Conclusión

Aínda que o ano que ven xa non estaremos neste colexio queremos que o Valle Inclán dispoña de esa parcela. Como o noso Concello sempre cubre as nosas necesidades, esperamos que aceptedes a nosa petición.




Justificación.

Hola, somos los alumnos/as de 6ºB del CEIP Valle Inclán.
Os escribimos esto porque nos gustaría tener la parcela al
lado del colegio. Hay muchas propuestas para que elijais la
más adecuada.

La queremos porque en ese territorio no hay más que herba
y no se da ningún uso.

Presupuestos finca

- Parque madera: como queráis, pero de madera. Las medidas 8×4 m.
 - Invernadero: Leroy Merlin: 3850€. Las medidas 10×4 m.
 - Base de caucho: para el parque de madera. Las medidas: 12×8 m.
 - Cubierta para el taller de madera. Las medidas: $12 \times 5,9$ m.
 - Mesas madera: las mesas se pueden hacer en el Centro de Información Isaac Díaz Pardo.
 - Compost: como queráis. Las medidas: $1,5 \times 1,5$ m.
- En el taller de madera dos mesas de 3×2 m.
En las mesas de madera. Las medidas: 4 mesas de 2×1 m.
Los árboles la mayoría autóctonos. No pongáis eucaliptos.




PRESENTACION

Esta es una parcela que está al lado de nuestro colegio (CEIP Ramón María del Valle-Inclán)

Queremos esta parcela para tener más territorio en nuestro centro, somos 2 alumnas de 6º que queremos enseñaros una idea que creemos que os va a encantar.

PLANO



EL INVERNADERO SERÍA PARA 2 Y 3 CICLOS

EL PARQUE TAMBIEN PARA 2 Y 3

